

Havaap Atia:

Omingmak (*Ovibos moschatus*) humiinningit amigainningillu uvani Qitqani Iliulikmi, Nunavut (MX-11)

Uuktuqtuq:

Lisa-Marie Leclerc
Nunavut Kavamanga
P.O Box 377
lleclerc@gov.nu.ca
1-867-982-7444

Kaffiujun Havaktiit Pulaaqtillu:


Laisikhaq pidjutikhaqaqtukhaq 6sinun inungnun; tingmihiqiji (TBD), tukliq-tingmihiqiji (TBD), Uumajunik Kanigiqhiuriji (Lisa-Marie Leclerc), Uumajunik Kanigiqhiuriji (TBD), Nirjutinik Ihivriughiji (Terry Milton), Nukaqhiq Nirjutinik Ihivriughiji (TBD), nunallaamiutat qunnigaqtukhat (TBD).

Havaakhap Piniqhimadjutaa:

Una havaakhaq piniqhimajuq tuniluni nutaanik nalunaqtumik kangiqhidjutinik umingmait amigaitilaanginnik humittaakhainniklu uvani munarijaujumi iningani MX-11, ihiviuriami taja atuqtumi Tamatkiutiinni Pijaaqtuni Angujauttaaqtuni.

Havaakhap Humiinninga:

Havaakhaq ilaqarniaqtuq Uallinga Qitqalu Ilangani uvani Queen Maud Tariungani Tingmianun/Qupanuanun Hapummivik (QMGS).



Naunaitkuti 1: Nunaujaa Umingmait munarijaujumi iningani MX-11 (qirnariktuq nalrujuq), naunaijautikkut uumunga Queen Maud Tariungani Tingmianun/Qupanuanun Hapummivingmun (hungajaaqtuq).

Havaakhap hivitunia:

July 1min, 2020, talvunga September 15mun, 2020. Pinaqhimajugun talvaniilluta 2nik-5nun ublunik uvani Queen Maud Tariungani Tingmianun/Qupanuanun Hapummivikmi.

Qanuqtun aullaarahuat:

Una tingmitikkut qaujiharutikhat mihimaittumik uvani Queen Maud Tariungani Tingmianun/Qupanuanun Hapummivianun.

Naittunik naunaitkutaa hulijaujukhami taimailiurutaanilu:

2015mi, nutaat umingmakni munarinikkut iningit piliuqtauhimajun Nunavunmi naunaijarnikkut umingmait amigaitilaatigun kiklikhainnik. Una munarinikkut ininga MX-11 naukutiujug tadj pingahunik utuqqani anguniarvikkut ininginnik; MX-13, MX-14, MX-15, ilanganiklu MX-16 uumanilu MX-19. Tadj anguniarnikkut amigaitilaangit umingmangni munarinikkut iningani MX-11mi tunnganiqaqtuq umingmait amigaitilaanginni itquqniaqhimajuni 2013mi talvannga uataanin ilanganin utuqqaninlu qaujiharnikkut pidjutainnin, taimaatun pidjutilgit imaatun 7,500 inirniinnik umingmaknik.

Taimaitkaluaqhuni una amigaitilaanga ihuatqijaugaluaqhuni hailihimajuq naunaitkuti, pingittuq ihuatqijaujumik tautungnarninginni tadsa umingmainni humiittaakhainnik amigaitilaanginniklu uvani ualliani ilangani uvani MX-11mi. Pijaanginni hapkuninnga amigaitilaanginnik, hivunikhaliuliqtugun piluni tingmitikkut qaujiharutinin uumani MX-11mi aujani 2020mi. Ininga tingmidjutiarniaqtuq piluni imaatan 25%ngujumik takuvikhanik, piqarluni nalrujunik tingmivikhanik ungahilaarutiqaqtunik 8nik 12nun kilaamatanik (km) ungahiknirnik. Taapkuat nalrjut tingmidjutikhat qaujihaqtauniaqtun kajumiktilaakkut 160 km/h qulvahiktilaaqarlunilu imaatan 150 m (miitanik). Qunngiaqtut titiraqniaqtait kaffiuaakhainnik umingmait iliuraqlugillu GPS-kut humiinngit. Una havaakhaq piniaqhimaajuq tuniluni nutaanik nalunaqtumik kangiqhidjutinik amigaitilaanginnik humiittaakhainniklu umingmainni uvani MX-11mi ihiviuriami Tamatkiutiinni Pijaaqtuni Angujauttaaqtuni.

Iqqakut humungaqtukhat:

Pingittuq

Piniaqnahuginikkut avatimi hulaqutinik imaalu ingattaqtihimainnikkut qanuriliurutikhat:

Umingmainni qaujihaqniq aullaqtirniaqtuq qitkani-Julyumi, qaujihaqnikkut iningani piniaqtuq iluani Queen Maud Tariungani Tingmianun/Qupanuanun Hapummiviani atulihaaliqqat August. Tingminiaqtugu imaakiaq 150m qulaani nunaup kajumiktilaaqarluni imaakiaq 160kms/ikaaqnirmi. Una pidjutittaarungnarhijuq mikijumik hulaqutinik tahamaniittunun huradjanun taimaatun tingmiti qulautirutaanin, kihimi huradjaq pilaqutiffaarutiqaalimaittun ininga iniqtaukpat qaujiharnirmin. Talvani hapummivingmi, qaujiharniq iniqtauniarungnarhijuq uvani 2nik 5niklu naahimajuni ubluni (pidjutiqaqluni qanurinningani hilaup). Avvakua takuvikhanik ihuaqhaqtauniaqtuq ilihimajaujuni umingmait humiininginnun, pipkainikkut amigaitilaanginnik kilaamatanik (km) tingmidjutinik ikiklihimaninginnun ukuallu ungahiktilaanginnik akunnainni nalrujuni hilikhijuummiqninginni, humilu pijaaqqat, kikliqaqtittijumanikkut hulaqutinik. Taimaittuq uvani, tamatqiuvgangniaqtun iniit qaujihaqtaujukhat uvani Queen Maud Tariungani Tingmianun/Qupanuanun Hapummiviani qaliriigutiginiaqtun uumani tunguktingajumi qaliriikhimajuni nunami tautungnaqtuq Naunaitkutimi 1mi, taamna ikittunik tautukvikhanik amigaitilaanginni imaatan 10%mik. Taimaatullu, ublukhait qaujiharnirvingmi pihimajun mikhilaaqtittumanikkut qaliriigutinik piqpalirutaani ivajuni tingmiani/qupanuani pidjutainni June-mi July-milu.

Qanuriliurutikhat pingittaami qajangnaqtuni huradjani akkuqtuutainnik:

Piniaqhimaangittut mittaamiknik uvani Queen Maud Tariungani Tingmianun/Qupanuanun Hapummiviani, taimaatun kikliqaqtipkainiaqtuq ihuangidjutinik taapkununga imaaluunniit angijunik hulaqutinik huradjanun.

Nunallaani miiturutinik ilaupkainirniklu:

Taimainman una Nunavut Kavamangani, Avatilqijikkut Havagvianin-hivuliqtaungman havaakhaq, amigaittun miitirutit nunallaani ukunanilu atuni-aulapkainikkut paannarijani pivaktun hivunikhaliuqnikkut uumani havaakhami. Hivunikhaliurutit nunallaaminllu ikajurutit tunijauvaktun uvani 2017mi Septembermi umingmakkut katimadjutimi uvanilu 2017mi 2018milu KRWB Katimarjuarutimi una qaujiharniq pijumajauninganik. Anguhiqijiit katimajiit (HTOs) ilauvaktun ihivriuqhiniirmi laisighamik uukturutimi, uvanilu qaujiharnikkut qanuridjutikhaanun May 2019mi, imaalu hivajautikkut miiturutimik aujami 2019mi hivunikhaliuqnikkut qaujiharnikkut qanuridjutikhaanun. Taimaalu, nunallaamiutat havaktitauniaqtut qunngiaqtiulutik qaujiharutimi.

Hivunikhami Hivunikhaliurutit:

Una ikittunik-ublunik hivituniqaqtuq naunaijarnikkut havaguti, pijukhaudjutiqaliqqat naunaijaffaaqtaujukhanguqqat una Umingmainni amigaitilaanginni uvani MX11mi. Qaujiharnikkut pidjutit tunijauhungujun ukununga atuni-aulapkainikkut paannarijani uvani Kitikmeot Aviktuqhimanirniani Uumajulirinikkut Katimajiinnun Ukiuq tamaat Miitiquiani, taimaalu ilaupluni miitiqatigiiknikkut havagutini Anguhiqijiit Katimaviinnun Inungnullu.